

## 1. FEVAHEVAHE'AKI 'O E NGAHI TUFKANGÁ

4a. 'Oku lava ke ke sio ki ha fevahevahe'aki 'o e tufakangá/talēnití/taukei ngāue 'i he kaungā ngāue fakatoutá?

4b. 'Oku anga fēfē 'a e fakahā'i 'o e fevahevahe'aki 'o e tufakangá 'i he 'Ohomohe 'a e 'Eikí ('i he sio fakateolosia pea mo hoko tonu foki 'i he mo'uí)?

Filipai 4 <sup>12</sup>Io, 'oku ou lava 'a e nofo mo'ulaloa, pea 'oku ou lava foki 'a e mohu me'a. Ne ako'i au, 'i he'eku me'a tau taha mo hono kotoa, kau potopoto'i 'i he nofo makona mo e nofo fiekaia, mo e nofo mohume'a mo e nofo masiva. <sup>13</sup>'Oku ou mafeia 'a e me'a kotoa pe 'iae ia 'okú ne fakakaukau au. <sup>14</sup>Ka neongo ia, ka na'e malo pe ho'omou fai, ho'omou kau mo au 'i he'eku mamahi ni. <sup>15</sup>Kae'uma'a 'oku mou 'ilo foki, kau Filipai, 'i he fua ake 'a e Kosipeli, he taimi na'a ku 'alu ai mei Masitonia, na'e 'ikai mo ha siasi 'e *koinōnia*/'omi ha me'a kiate au, ke 'ai ki he tohi 'o e 'omi mo e 'atu, ngata pe 'iate kimoutolu. <sup>16</sup>He na'a mo 'eku 'i Tesalonaikia, na'e tu'o taha, 'io 'o tu'o ua, ho'omou 'omi tokoni ki he'eku masiva.

4c. 'Oku anga fēfē 'a e hoko 'a e a'usia 'a Paulá, ko e fakatātā ia 'o e fakakaukau 'o e foaki atú, mo e ma'u mai 'o e tufakangá?

4d. Ko e hā 'a e tafa'aki 'oku hā ai 'a e anga fakatōkilaló 'i he foaki atú mo e ma'u maí?

4e. Ko e hā ha ngaahi tufakanga 'e lava 'e ho fai'angalotú 'o foaki/ma'u mai mei ha kaungā ngāue?

## Fekumi ki he Koinōniá

## Ako Fika Ua

### Ko hono Ngāue'i 'o e Kaungā Ngāue

'I he ako fika 'uluaki na'e fai ai 'a e fekumi ki he faka'uhinga'i 'o e *κοινωνία* (koinōniá). 'Oku hangē ha Kalisi ki he tokolahi (Kapa, 'Omikoloni, Nu, 'Ōmeka, Nu, 'Aiota, 'Ālifa), kā 'oku 'i ai 'a e 'amanaki 'e 'i ai ha faka'uhinga fo'ou.

'Oku 'i ai ha ongo potutohi mahu'inga 'e ua:

Luke 5:1-11

1 Kolinito 10:16-17

Te tau sio ki he ongo potutohi ko 'ení 'o fakatefito he fakakaukau 'e fā 'o e koinōniá, pea te tau fevahevahe'aki he ngaahi potutohi kehé foki, ke fakaloloto ki ai 'a 'etau 'ilo ki he fakakaukau ko 'eni 'e fā 'o e kaungā ngāue fakakoinōniá.

## 2. KAUNGĀ MA'U FAKATAHA

1a. Ko e hā nai ha ngaahi me'a na'e tatau ai 'a e kau toutá 'i hono ma'u ('i he talanoa 'ia Luke 5)?

1b. 'Oku anga fēfē 'a hono a'usia 'o e kaungā-me'atahá 'i he 'Ohomohe 'a e 'Eikí?

Filipai 2 <sup>1</sup>Ko ia, kapau 'oku 'i ai hamou akonaki 'ia Kalaisi, kapau 'oku 'i ai ha'amou fiemalie mei he 'ofa, kapau 'oku 'i ai ha'amou *koinōniá* 'i he Laumālie, kapau 'oku ngāue homou fatu 'i he 'ofa, pea ai ha'amou fai meesi, <sup>2</sup>e mou fakakato 'eku fiefia 'i ho'omou loto taha: ke taha ho'omou 'ofa, pea mou uoungataha, pea hu'ufa taha ho'omou feinga.

1c. 'Oku anga fēfē 'a 'etau tō nounou 'i hono ma'u 'a e kaungā me'atahá?

1d. Fakakaukau ki ha kulupu kuo nau 'osi fa'u ha kaungā ngāue mo ho siasi fakakoló – ko e hā ha ngaahi me'a 'oku nau kaungā ma'u tatau ai?

### 3. KEHEKEHE

2a. Ko e hā 'a e ngaahi faikehekehe 'oku tau sio ki ai 'i he kau toutai? Fakakaukau ki he ngaahi ngāue kehekehe 'oku nau fai.

Kaletia 2 <sup>8</sup>(he ko ia na'á ne tokoni ma'a Pita ke ne lava 'ene ngāue faka'apostolo ki he ha'a Kamu, na'á ne tokoni foki ma'aku ke u lava 'eku ngāue ki he Senitaile:) <sup>9</sup>'io, ko Semisi mo Kifasi mo Sione, 'a ia 'oku lau ko e ngaahi pou, 'i he'enu vakai 'a e kelesi kuo tuku mai kiate au, na'a nau tuku mai kiate au mo Panepasa 'a e nima to'omata'u 'o e *koinōniá*, koe'uhi ke 'amaua 'a e ngāue ki he Senitaile, kae 'anautolu 'a e fai ki he ha'a Kamu. <sup>10</sup>Ngata pe, na'a nau kole ke ma manatua 'a e kau masiva; 'a ia foki ko e me'a pe na'a ku matu'aki loto ke fai.

2b. Ko e hā ha ngaahi faikehekehe faka'ulungaanga 'oku lava ke ke sio ki ai 'ia Pita, Semisi mo Sione?

2c. 'Oku ange fēfē 'a e fakahā'i 'o 'etau faikehekehé 'i he 'Ohomohe 'a e 'Eiki ('i he sio fakateologia pea lava foki ke hoko tonu 'i he mo'uí?)

2d. Fakakaukau ki ha kaungā ngāue 'oku kau ki ai 'a ho fai'angalotú – 'oku anga fēfē 'a e fakahā'i mai 'o e faikehekehé 'i he kaungā ngāue ko iá?

### 4. KAUNGĀ FONONGA FAKATAHA

3a. 'Oku anga fēfē 'a e hoko 'a e kaungā ngāue 'a e kau toutai ko e kaungā fononga fakataha?

3b. 'Oku ange fēfē 'a e fakahā'i mai 'i he 'Ohomohe 'a e 'Eiki 'a e fakakaukau 'o e kaungā fononga fakatahá?

Filipai 1 <sup>3</sup> Kau ka fakamanatu kiate kimoutolu 'oku ake 'eku fakafeta'i ki hoku 'Otua, <sup>4</sup>pea fai fiefia ma'u ai pe 'i he'eku hu kotoa pe 'a e hūfia 'omoutolu fulipe; <sup>5</sup>koe'uhi ko ho'omou *koinonia* kautaha ke kauhaki'i 'a e kosipeli, talu mei he 'uluaki 'aho 'o fai mai: <sup>6</sup>he ko e me'a ni 'oku ou matu'aki tui ki ai, ko ia na'á ne kamata 'i homou loto ha ngāue lelei, te ne fai ai pe hono fakahaohaoa, 'o a'u ki he 'aho 'o Sisu Kalaisi.

2 Kolinito 1 <sup>6</sup>Ka neongo ko ha tu'utamaki 'oku to mai, ka ko e fai pe koe'uhi ko homou tokoni'i, mo homou fakamo'ui; pea ka ko ha tokoni 'oku to mai, ko e fai ai pe koe'uhi ko homou tokoni'i – 'a e ko 'ene ngāue 'a ho'omou 'ukuma 'a e ngaahi mamahi 'oku mou mo'ua tatau ai mo kimautilu. <sup>7</sup>Pea 'oku 'ikai talaki tu'a 'emau 'amanaki 'iate kimoutolu; ko 'emau 'ilo, hange 'oku tau *koinōniá*/kaungā-mamahi, pehe foki 'oku tau *koinōniá*/kaungā-tokoni'i.

3c. Ko e hā 'a e lau 'a e ngaahi veesi 'i 'olungá fekau'aki mo e anga 'o e kaungā fononga fakatahá 'i he kaungā ngāue fakakoinōniá?

3d. Fili ha kaungā ngāue kuo ngāue fakataha mo ho fai'angalotú 'i ha ngaahi ta'u – ko e hā 'a e liliu kuo hoko 'i he vā fekau'aki ko iá?